


Urna indian

Den temponan aya hopi ta esnan cu durante cobamento di fundeshi pa nan traha nan cas a bin topa cu un urna Indian. De

por carga un Indian di 1.50 den dje. Hopi biaha e cabes y un parti di e schouder ta sali afo, un otro urna poco mas hanchu tabata wordo

basta small compara cu esnan anterior. Y di tamaño e urnanan aki tabata mas chikito. Di e tipo aki a wordo encontra masha hopi



bes encuando awendia ainda ta pasando cu ta hayando urna Indian na ora di haci cobamento. Tabata un tradicion antes di Indianan pa dera nan morto nan den urnanan grandi di klei. Pa e ocasion aki e urnanan tabata wordo traha special. Den temponan Indian esaki tabata den tempo hopi bieu, nan tabata hinca e Indian morto prome cu e bira stijf den un forma dobla den otro den e urna. Kiermen cu e urna mester ta di basta bon tamaño pa

poni ariba e otro pa asina tapa tur cos. E urna doblan aki tabata mas shaars mes pa econtra antes. Te asina leu cu historia ta conta tam as o menos cuatro so a wordo encontra. Un otro manera cu Indianan tabata practica tabata, cu nan tabata laga e curpa morto putri y seca anto despues nan tabata recohe e wesonan y hinca nan den un urna y pa medio di un tayo di klei ariba dje ta wordo sera. E ariba di e urna nan aki normalmente tabata


mes. Den temponan Indian nan tabata uza esakinan pa warda awa. E di tres metodo cu e Indianan tabata uza pa dera nan mortonan tabata cu e Indianan tabata dera e wesonan gewoon den buracan of ta warda e wesonan den wea di klei. Banda di esaki nan tabata dera na morto nan gewoon den un graf completo di e tipo di grafnan aki a keda encontra hopi graf Indian den cercania di Ceri Noka. Skirbi pa FOD

Club Visage



Club Visage, un nightclub cu tabata situa unda awo ta Certified Supermarket. Na e parti pafo tabatin e luga di pizza y e miho hala di galiña cu bo por a imagina. Na aña 1994, un Diasabra mainta, Aruba a wordo sacudi door di un candela grandi hamas bisto. Cuatro negoshi, entre nan, Club Visage, Patio Restaurant, Certified Grocery y Codemsa, incluyendo oficina di Kentucky Fried Chicken a sufri bastante daño e mainta ey. E departamento di paga candela no por a combati e candela gigantesco aki y esun di aeropuerto y Coastal mester a bin yuda. Te Diadomingo anochi a caba di paga e candela. E candela a ocasiona un perdida mi mion di florin y 200 hende a perde nan trabou. Seguro a cubri un parti grandi di tur e dañonan.

Despues Certified a bin establece un supermercado grandi na e sitio.



AMOR DI UN YIU DI TERA

Cu un conseho casi di locura, bo a inspira mi.
Bai studia, bin bek y traha pa bo Pais, bo a bisami.

Cu apenas 16 aña mi a tuma e reto,
pasobra ta meneer Betico a wak cu mi'n por para keto.

Cu e amor pa Aruba den mi mente,
e compromiso pa mi regreso tabata evidente.

Mi lombrishi dera den suela di Alto Vista,
un lugar di bishita pa nos Turista.

Satisfecho di mi contribucion,
na miles di Arubiano di curazon.

Sirbiendo nos turista cu amor, dedicacion y pasion,
Pa mañan Aruba briya cu nos futuro generacion.

Aruba, nos amor pa sostene nos libertad, ta depende di nos lealtad.

Pesey nos ta aprecia y celebra cu hisamento di nos bandera
Y cu orguyo resona nos Himno, nos Aruba dushi Tera.

No lubida e causa ni e lucha, ta é berdad bo a sucha.

Bo por cambia un storia pero nunca un Historia.
Mi Aruba, door di hopi menciona, ta mi Isla Bendiciona.

Jessica Franken



E libertad tan anhela

No ta leyenda, ni cuenta
ta mi grandinan a expresa
di nan lucha constante
Di gritonan perdi den desierto
Libertad, libertad!

Tanto abandono y engaño
Decepcion y curason kibra
Ata diripiente

Cortina di shelo a habri
Un chispa di luz di speransa a scapa
Briya te tapa nos Isla henter
cu curashi, determinacion y sanger
a los e cinta di nos simbolonan di libertad
Laga nan waya den biento bai bin
Alfin loke mas su Pueblo a desea
Libertad, libertad!

Ta su firma, su marca so a keda atras
que pa semper bibo den mente y curason
di su Pueblo y Pais stima!
Danki nos Libertador Betico Croes!

Minavrona 11-3-16